

اسلام آباد

ڈیجیٹل رسالو

ماہنامہ

گوجبشری

اگست 2023



زیر اہتمام: گوجرانٹر نیشنل سیکرٹریٹ

اس شماره ماں



☆- ادارہ

☆- خصوصی پیغام: سنیٹر چوہدری محمد جعفر اقبال (سرپرست اعلیٰ)

☆- اللہ رسول کو حکم مولانا قاری محمد نذیر نعیمی

☆- درخاس رانا فضل حسین

☆- نعت عبدالرشید چوہدری

☆- گوجری تہذیب تہ ثقافت فریدراز

☆- ڈاکٹر رفیق انجم کی ادبی خدمات شازیہ ممتاز

☆- گوجری ماحمد تہ نعت کی روایت نزاکت حسین

☆- افسانو منظور الحق منظور

☆- مزاحیہ کہانی عاصم الحسن چوہدری

☆- غزل انظم، صدقے ممتاز چوہدری

☆- غزل صدام صارف


☆- غزل زاہدہ خانم

☆- شان امام حسینؑ ہفتوازاہد

☆- نظم، قدرت کا نظارہ مشتاق احمد فانی

☆- سی حرفی حسن دین حسن

☆- نظما تشکر رفیق شاہد



سرپرست اعلیٰ

سنیٹر چوہدری محمد جعفر اقبال
سردار گوجر قوم



مدیر اعلیٰ

محمد رفیق شاہد



مدیرہ

شمالہ چوہدری

E-Mail: gojadiabpk@gmail.com WhatsApp: +923101878887



زیر اہتمام: گوجرانٹرنیشنل سیکرٹریٹ

علم و ادب شعوری کوشش کو سلسلو

معزز قارئین! السلام علیکم

تجدید نو توں بعد، ماہنامہ گوجری ادب، کو پہلو شمار و پیش خدمت ہے۔ اس توں پہلاں بعض مجبوریاں کے ہتھوں بند ہو گئے تھو۔ شروع مانھ یوہ رسالو کڈھنوعطاء الرحمان چوہان، رفیق شاہد، ڈاکٹر فضل سراج، چودہدی ریاض گوجر، ملک طاہر، سردار عتیق الرحمان تے کئی دوجی شخصیات کی محنت کو صلوتھو۔ گوجراں کا نان و رکئی اردو رسالہ ملکی تے بین الاقوامی سطح و رشائع ہوتا رہیا ہیں، کئی ایک ہُن وی سوئی راہ اپنی خدمت پیش کر رہیا ہیں۔ امید ہے جے تھارو تعاون رہیو تے یوہ سالو وی اُن مچ سارا ڈوجا رسالاں کی کئی مانھ کہنہری ثابت ہووے گو۔

اس رسالہ کو خاص مقصد گوجری زبان و ادب کی ترقی تے نویں لوء باندے لیا نی ہے۔ گوجری زبان کو پلو پارو ہے و رکھاڑیاں نان باندے کڈھن کی لوڑ ہے تاں جے وے کھل غے لکھیں۔ ایسوتان ہی ہو سکے جدہم ان کی لکھتاں مانھ اہمیت دیاں تے ان کی حوصلہ افزائی کراں۔ اسے مقصد مانھ اچورکھ غے یوہ تخلیقی رسالو نو ان اصولاں و ترتیب دو گیو ہے تاں جے نو ان لکھاڑیاں کو حوصلہ بدھے وے خوشی سنگ قلم چکیں، تے ادب تخلیق ہو تو رہ۔ ادب تے ادیب کو کورشتو مچ باٹو ہے۔ ادب ادیب کا اندر وار تے باہر وار کو نچوڑ ہووے۔ ادیب جگ بیتی تے آب بیتی کا تجربہ سنگ ہی کائے لکھت برقہ ور چاٹے۔ ادیب وی دو حصال مانھ بڈھیا واپیں۔ ایک وے جیڑا بچی کبھی کی سوچ رکھیں، دوجا جیڑا کبھی کبھی کی سوچ رکھیں۔ دوہاں کا منن آلا لوک موجود ہیں۔ جے اندھیرا مانھ لوء لوڑ نی ہی اصل مقصد ہے تے لوء غو رنگ عقل کی پیداوار ہووے گی۔ عقل خیر واسطے استعمال وے تے نیکی بن جائے، جے کدے شر واسطے استعمال ہووے تے وبال ہو جائے۔ آج ہم اس دور مانھ رہ رہیا آں جت پرانی ریت بیت اُکلتی جائے، وہ پرانور ہن سہن طور طریقو کمٹو جائے۔ سماج کے سنگ زبان و ادب کی قدر وی تباہ ہووے۔ اس کٹھن ماحول مانھ ضرورت ہے جے تخلیقی، تحقیقی، تنقیدی ضرورتاں نان سمجھتاں بہتری کی کوشش تیز کی جائیں۔ تنقیدی میدان مانھ تنقید برائے تنقید کے، بجائے تنقید برائے معیار نان روان و تو جائے تے گوجری زبان و ادب کسے دوجی زبان کا ادب کو سہولت سنگ مقابلو کر سکے گو۔

یوہ رسالو سنیتھر چودھری محمد جعفر اقبال ہوراں کی خصوصی ہدایت و رشائع کیو جا رہو ہے۔ یاہ گل وی مچ خوشی کی ہے جے پہلی وار یوہ رسالو اگست 2012 مانھ چھاپے چڑھو تھو تے ہُن اک لمبا عرصہ توں بعد اگست 2023 مانھ ترتیب دیتو گیو ہے۔ امید ہے ہُن وی تھارو سبھناں کو تعاون سنگ ہو پوتے یوہ رسالو لمبی مدت توڑی قارئین کی نظراں مانھ رہے گو۔ رسالہ کی بہتری واسطے تھاری کائے تجویز وے تے تم تحریر سنگ چلا سکیں۔ مھاری ترجیح معیاری ادبی خدمت ہے تے ساراں کا تعاون سنگ ہی یوہ رسالو دیر توڑی قائم رہ سکے گو۔

شمانہ چوہدری

خصوصی پیغام

سینئر چوہدری محمد جعفر اقبال (سردار گوجر قوم)

سرپرست اعلیٰ ماہنامہ ,, گوجری ادب,,



بابل شہر کے بسنے والوں کو اللہ تعالیٰ نے جب زبانوں کی بنیاد پر قبائل اور خاندانوں میں تقسیم کر دیا تو اس وقت جو زبانیں وجود میں آئیں وہ ان خاندانوں یا قبائل سے منسوب ہو گئیں، وہی خاندان اور قبیلے وقت گزرنے کے ساتھ ساتھ قوم کا روپ دھارتے چلے گئے۔ جیسے عربوں کی زبان عربی، انگریزوں کی زبان انگریزی، گوجروں کی زبان گوجری وغیرہ وغیرہ۔ گوجر بابل شہر سے ہجرت کر کے جب جارجیہ میں آ کر آباد ہوئے اور آبادی بڑھنے، چراگا ہوں کی کمی یا موسمی تغیر و تبدل کی وجہ سے جارجیہ سے بھی ہجرت کا عمل جاری رکھتے ہوئے افغانستان کے راستے ہندوستان میں داخل ہوئے تو ان کی پہچان ان کی گوجری زبان ہی تھی۔ گوجر جب ہندوستان میں داخل ہوئے تو یہاں پہلے سے موجود دراوڑ قوم جن کی زبان سنسکرت تھی کو وقت گزرنے کے ساتھ اپنے زیر اثر لے آئے۔ یہ وہی دراوڑ قوم تھی جو بابل شہر سے ساحل سمندر کے ساتھ ہجرت کر کے گوجروں سے بہت پہلے ہندوستان کے ساحلی علاقوں میں آ کر آباد ہو گئے۔ جب ہندوستان میں سب سے پہلے گوجروں نے معاشرتی نظام کی بنیاد رکھی گئی اور باقاعدہ حکومت قائم کی تو اس وقت کی سماجی اور سرکاری زبان گوجری ہی تھی۔ اس سے آپ اندازہ لگا سکتے ہیں کہ گوجری کس قدر قدیم زبان ہے۔ گوجروں نے اس خطہ پاک و ہند بشمول افغانستان پر ہزاروں سال حکومت کی۔ بعد میں زمانے کے نشیب و فراز نے جہاں گوجروں کو اقتدار سے محروم کر دیا وہاں گوجری زبان بھی سرکاری سرپرستی سے محروم ہونے کے بعد زوال پذیر ہونا شروع ہو گئی لیکن اس کے باوجود موجودہ دور میں گوجری زبان وہ واحد زبان ہے جو برصغیر کی اکثریتی زبان کی حیثیت رکھتی ہے۔ یہ زبان پاک و ہند، جموں و کشمیر افغانستان روس اور چین کے کچھ علاقوں میں آج بھی بولی اور سمجھی جا رہی ہے۔ افسوس سے کہنا پڑ رہا ہے کہ دیگر علاقائی زبانوں کی طرح گوجری زبان بھی مسائل کا شکار ہے اور کچھ لوگ اپنی زبان سے دور ہوتے جا رہے ہیں۔ اپنی آنے والی نسلوں کو گوجری زبان کی ترغیب دینے اور گوجری زبان و ادب کی ترویج و اشاعت کیلئے گوجری زبان میں مجلہ ”گوجری ادب“ کے نام سے شائع کیا جا رہا ہے۔ گوجرانٹرنیشنل سیکرٹریٹ کی ٹیم رفیق شاہد مدیر اعلیٰ گوجری ادب اور شاملہ چوہدری مدیرہ گوجری ادب نے میری سرپرستی میں اپنی زبان کی خدمت کا جو بیڑا اٹھایا ہے اس سے نہ صرف گوجری لکھنے والوں کی حوصلہ افزائی ہوگی بلکہ نیا ادب تخلیق ہو کر گوجری زبان و ادب میں اضافے کا باعث بنے گا۔ اس عظیم مشن کیلئے میرا ہر طرح کا تعاون اور نیک تمنائیں شامل حال رہیں گیں، انشاء اللہ۔

Jaffer Iqbal

مولانا قاری محمد زبیر نعیمی

(گولڈ میڈلسٹ)

أَعُوذُ بِاللَّهِ مِنَ الشَّيْطَانِ الرَّجِيمِ ۝

بِسْمِ اللَّهِ الرَّحْمَنِ الرَّحِيمِ ۝

اللہ کا نام توں شروع جیہڑو مچ مہربان تے رحم کرن آلو ہے۔

مَالِكِ يَوْمِ الدِّينِ ۝

جزا آلا دھیانڑہ کو مالک

الرَّحْمَنِ الرَّحِيمِ ۝

مچ مہربان تے رحم کرن آلو

الْحَمْدُ لِلَّهِ رَبِّ الْعَالَمِينَ ۝

ساریں تعریف اللہ کیس! اس جیہڑو مالک ہے ساراں جہاناں کو

صِرَاطَ الَّذِينَ أَنْعَمْتَ عَلَيْهِمْ ۝

انہاں کو راہ جنہاں ورتیر و انعام ہو یو

إِهْلِنَا الصِّرَاطَ الْمُسْتَقِيمَ ۝

ہمناں سدھاراہ و رچلا

إِيَّاكَ نَعْبُدُ وَإِيَّاكَ نَسْتَعِينُ ۝

ہم تیری ہی بندگی کراں تے تیرے ہی کولوں مدد منگاں

غَيْرِ الْمَغْضُوبِ عَلَيْهِمْ وَلَا الضَّالِّينَ ۝

نہ انہاں کو جنہاں ورتیر و غضب ہو یو تے نہ کھڑیاں داں کو

تشریح!


سورہ فاتحہ قرآن پاک کی پہلی سورت ہے اس سورۃ المبارکہ مان اللہ تعالیٰ نے اپنا بندناں نان اک ایسی دعا منکن کو طریقہ و سیو ہے جس ورا ایمان کو تے بندگی کو سارو دار و مدار ہے۔ اس سورۃ مبارکہ مان بندہ نادرسی و تو گیو ہے جے اے بندیا توں اس رب کی تعریف حمد تے ثناء بیان کر جیہڑو ساراں جہاناں کو مالک ہے اُس جیہڑو مہربان تے رحم کرن آلو کوئے نیں۔، وہ ہی سزاتے جزا آلا دھیانڑہ کو مالک ہے۔ ہم عاجز تے مسکین بندہ اُسے کی عبادت کراں تے اُسے کولوں مدد منگاں۔ اے اللہ پاک توں ہمناں سدھو راہ دس ایمان و راستقامت عطا فرما۔ انہاں لوکاں کو راہ ہمناں دس دے جنہاں ورتیں احسان فرما یو ہے۔ اے اللہ پاک ہمناں انہاں لوکاں کا راہ توں دُور رکھیے جنہاں ورتیر و غضب ہو یو ہے یا جیہڑو سدھاراہ توں کچھڑ گیا ایں۔

حدیث نبوی ﷺ

حضرت ابو ہریرہؓ توں روایت ہے جے نبی اکرم ﷺ کو فرمان عالیشان ہے۔ ”جیہڑو بندو اللہ پاک تے آخرت کا دن ورا ایمان رکھے اُس نا چاہیے جے وہ اپنا گماہنڈی نا تکلیف نہ دینے تے جیہڑو بندو اللہ (عَزَّ وَجَلَّ) ورتے قیامت کا دن ورا ایمان رکھتو ہوے اُس نا چاہیے جے وہ مسلمان کی عزت کرے، تے جیہڑو بندو اللہ تعالیٰ تے آخرت کا دن ورا ایمان رکھتو ہوے اُس نا چاہیے جے جنگلی گل کرے یا چُپ رہے۔“

درخاس ﴿﴾

پیش کروں درخاس خدایا رکھیے لاج دعاواں کی
 تُوں سلجھائیے آپے ربا تانی اُجھی ساہواں کی
 تیرا کرم رحیم کریماں منجھ منگت کی آس بنے
 „بخش ولایت شعر سخن دی،، فضل نا سچیاں چاہواں کی
 ہوں بے نام تیں سرچیو ربا منگن بناں تیں سب گجھ دتو
 لاج نبھائیے نہ چر لائیے اپنا دتا ناواں کی
 فضل کی جھولی بھر دے سائیاں رانا فضل نماناں کی
 میرا کروت پاپ سمندر ڈنگھی ڈاب گناہواں کی
 پاک محمد ﷺ صدقے یا رب بخش رحمت دیتو رہیے
 آؤں سدا سفارش لے کے نیلے رنگ درگاہواں کی
 سُن فریاد تُوں پاک خدایا میرا ہاڑا ردیے نہ
 بخش زیارت فیر دوبارہ کعبہ کا اُن راہواں کی
 فر تکوں جا گنبدِ خضریٰ اُتوں منگ سفارش آنوں
 فضل کا دل وچ جاگے جیے قدر سچی اُن تھاواں کی
 میری آس مراد ملے فر کرم فضل کر سوہنیاں ربا
 وانگت کھڑی شریف تیں منگیئے برکت ٹھنڈیاں چھاواں کی



رانا فضل حسین (تمغہ پاکستان)

نعت

نام محمد کیتو سُوہنو کیتو پیارو ہے
 ساریاں مرضاں کو یوہ داروں امرت دھارو ہے
 دنیا پر بھی اُن کا جھنڈا جھلیا چارے چوک
 محشر مان بھی اُن کو جھنڈو جھلن ہارو ہے
 اُس رحمت کا دریا اگے ست سمندر اک پھنگ
 اُن کی رحمت کو مینہ رم جھم برسن ہارو ہے
 دو جگ اُپر آقا تھارا کرم کی ٹھنڈی چھاں
 تھارا نان کو بے چاراں نا انت سہارو ہے
 نال اشارے تھارے آقا چین کا ٹوٹا ہویا
 میری بخشش خاطر کافی اک اشارو ہے
 ہر بیچارو تے بے آسو تھارے در سوالی
 ہر لاچار کی سوچیں بسیا سب کو چارو ہے
 تاجاں تختاں آلا سارا تھارے در سوالی
 ہم بے آساں کو بھی آقا کرنو چارو ہے
 دل کے بوٹے تھاری یاد کی بیل رشید چڑھائی
 بیل نا آس کو پھل لگو دو سدا بہارو ہے



حاجی عبدالرشید چوہدری

ڈاکٹر رفیق انجم کی گوجری ادبی خدمات

تھیں۔

سال 1978 ماہی
ان کا والد کو سا پو بھی سر تو اٹھ
گیو۔ والد کی وفات تو بعد
ساری ذمہ داری ان کا
مُو ہنڈاں پر ہی آن پئی
جہڑی انہاں نے نبھائی وی۔
اس دور ما انہاں نے ڈا ہڈا
قضیہ تکیا پر ہمت نیں ہاری۔
یاہ تھی ان کی مختصر حالات



ڈاکٹر رفیق انجم
شاعر، ادیب، سکالرتے مورخ

زندگی۔

پونچھ ڈگری کالج تو بارہویں پاس کرن تو بعد جد قابلیت کی بنیاد
پر جموں ما ایم۔ بی۔ بی۔ ایس واسطے سلیکشن ہوئی۔
1980 تو 1985 کے دوران میڈیکل کالج جموں ما طبی تعلیم کے
دوران ہی ان کی ادبی زندگی کی باقاعدہ شروعات ہوئی۔ اس تو پہلاں
وی انہاں نے ایک دو بار گوجر کانفرنس سرکٹ (مارچ 1979) ما
شاعری تے گوجر کانفرنس ٹیکور حال سرینگر (اکتوبر 1980) ما ڈرامہ
فنکار کے طور شمولیت کی تھی۔ پر سال 1981 ماں جموں کی گوجر
کانفرنس ما ڈرامہ فنکار کے طور کم کرتاں چودھری نسیم پونچھی نال ان کی
پہلی ملاقات ان کی ادبی زندگی کی شروعات تھی۔

ڈاکٹر رفیق انجم 'انجم شناسی' کا دیباچہ ما خود لکھیں
"سال 1981 ما انجم جموں کی گوجر کانفرنس ما انجم ڈرامہ فنکار کے طور کم
کرتاں چودھری نسیم پونچھی نال میری پہلی ملاقات گویا میری ادبی
زندگی کو رسمی افتتاح تھو" انجم شناسی، ڈاکٹر رفیق انجم، ع، ص۔ نسیم
پونچھی، سروری کسانہ تے چودھری اقبال عظیم اس ویلے ریاستی کلچرل



شازیہ ممتاز
بابا غلام شاہ بادشاہ یونیورسٹی راجوری

ڈاکٹر رفیق انجم گوجری کا
محقق، ادیب، تے شاعر
ہیں۔ ان کی گوجری ادبی
خدمات کو ذکر کرن تو پہلاں
ان کی مختصر جی حالت زندگی
کچھ اس طرح ہے۔ ان کو
اصل ناں محمد رفیق انجم اعوان
ہے تے ڈاکٹر رفیق انجم ان
کو قلمی ناں ہے۔ پیدائش
جنوری 1962 ما جموں

کشمیر، پونچھ کا گراں کلانی ما ہوئی۔ ان کا والد کوناں میاں عبدالکریم
اعوان تھو۔ انہاں کو تعلق اعوان برادری نال ہے۔ ڈاکٹر رفیق انجم
ہوراں نے خالص گوجر ما حول ما پروان چڑھیو تے پہلاں زندگی ما
قضیہ بھی مچ تکیا۔ لوہکی جی عمر ما ان کی سمحال تو بھی پہلاں ماں کو چھاملو
سر تو اٹھ گیو۔ اس تو بعد بڑی جدوجہد کے نال ان کا والد نے ان کی
پرورش کی۔ کچھ ہی سالاں بعد والد کی وی وفات ہو گئی۔ پر کچھ ہی
سالاں ما انہاں نے اپنا والد کولوں زندگی کا بنیادی اصول سکھ لیا جہڑا
قدم قدم پران کے کم آیا۔

جدان کی سکول جان کی عمر ہوئی تاں گھر کی بھی کئی الجھن تھیں پر
اس کے باوجود بھی ان کا والد نے شاید کسے کا کہن پر ہی ان کو سکول ما
ناں داخل کروائیو۔ اسے طرح سال 1978 ما کلانی کا ہائی سکول بچوں
دہی پاس کرن آ لایہ پہلا طالب علم تھا۔ ان کا والد محترم قصہ 'سیف
المملوک' سنن کی ڈا ہڈی شوق رکھیں تھا۔ تے انہاں نے ایک جگہ اپنی
کتاب ما ذکر کیو وہ ہے کہ اسے تو ہی انہاں نا بھی شاعری کی شوق پئی۔
انہاں نے دہی جماعت تو پہلاں ہی اردو شاعری کی کئی کتاب پڑھ لی

واسطے بے بہا کم کیا ہیں۔ جہاں ناکدے بھی اکھاں تو اولے نیں کیو جاسکتو۔ انھاں نے مچ ساری کتاب گوجری ادب کی جھولی ما آن گھلیں۔ جہاں نا اگر کنی کرو تے گوجری ادب کجھ ادھورو جیہو لگے۔ ڈاکٹر جاوید راہی، تلخیص سنہری تاریخ ما ڈاکٹر رفیق انجم ہوراں بارے نوں لکھیں "ڈاکٹر رفیق انجم صاحب نا کہڑو نہیں جانتو۔ ویہ چنگا ڈاکٹر ہون کے نال نال گوجری تے اردو زبان کا منیا پڑنیا وادیب تے شاعر ہیں، محقق تے لغت ساز ہیں جن کی ہن تک دو درجن کتاباں کی اشاعت ان کا ادبی گھونٹھریاں کی ضمانت ہیں۔"

گوجری ادب کی سنہری تاریخ، تلخیص سنہری تاریخ، دسمو حصو، ع 2007 ص ۱۰۔ ڈاکٹر رفیق انجم ہوراں کی اچ تک چالی تو بھی زیادہ کتاب شائع ہوئی ہیں جہاں بچوں لگ بھگ پینتری کتاب گوجری کی ہیں۔ ان کی گوجری ادب واسطے قابل قدر خدمات ہیں جن کو اگر گہرائی نال ذکر کراں تے مناں تے لگے ایک پوری کتاب ہی بن جائے۔ پران کا گوجری ادب کے تئیں کجھ نمائندہ کم اس طرح ہیں۔ 1994 ما سب تو پہلاں ان کی گوجری غزلاں کی کتاب 'دل دریا' کا ناں نال شائع ہوئی۔ اس کتاب پر انھاں نا کلچرل اکیڈمی کی طرفوں سال 1996 ما سال کی بہترین کتاب کو انعام وی لیسو۔ جدید گوجری شاعری کی کتاب 'سوچ سمندر' کا ناں نال 1996 ما شائع ہوئی۔ ڈاکٹر رفیق انجم ہوراں کی کتاب 'گوجری ادب کی سنہری تاریخ' گوجری تحقیق کی کتاب گوجری ادب ما قابل قدر سرمایو ہے۔ یاہ کتاب دس جلدوں ما ہے۔ جس کو پہلو حصو 2000 ما شائع ہو۔ دو جو حصو 'قدیم گوجری ادب' کا ناں نال 2005 ما شائع ہو یو۔ اسے طرح تیجو حصو 'جدید گوجری ادب' یو بھی 2005 ما شائع ہو یو۔ چوتھو حصو 'جدید گوجری شاعری' پنجو حصو 'گوجری غزل' چھو حصو 'گوجری نعت تے گیت' ستمو حصو 'گوجری افسانہ نگاری' کا ناں نال 2007 ما شائع ہوا۔ اٹھموں حصو 'گوجری ڈرامہ نگاری'، نوموں حصو 'گوجری مصنفین' تے دسموں حصو 'تلخیص سنہری تاریخ' جہڑا کے

اکیڈمی ما گوجری شعبہ کا سربراہ تھا۔ اس تو بعد ان کی پہلی کہانی شیرازہ گوجری ما شامل ہوئی۔ پھر انھاں نے اردو شاعری کے نال نال گوجری ڈرامہ، کہانی تے شاعری کو سلسلو بھی شروع کر یو۔

اسے دور ما گوجری کہانی کا رتے انشائیہ نگار امین قمر تے جموں کا ریڈیو سٹیشن پر گوجری شعبہ کا سربراہ فیض کسانہ ہوراں نال انھاں کی ملاقات ہون لگ پئی۔ فیض کسانہ کا کہن پر انھاں نے کجھ انشائیہ لکھیا جہاں بچوں 'شیطان نال دوگل' لوکاں نے مچ پسند کیو۔ اس تو بعد انھاں نے گوجری مشاعرےں ما بھی حصو لیو۔ ایم بی۔ بی۔ ایس تو بعد 1975 ما سرینگر جان تو بعد انھاں نا کلچرل اکیڈمی کو ادبی ماحول بھی لیسو تے کئی ادبی لوکاں نال وی رہیا۔ اس دور ما گوجری مشاعرےں تو علاوہ شیرازہ گوجری ما بھی ان کی شاعری باقاعدہ شائع ہوئی۔ اس توں بعد میڈیکل افسر کے طور لورن پونچھ توں سرکاری نوکری کی شروعات تے کجھ عرصہ بعد انھاں نے پونچھ کا ادبی ماحول مارہ کے اردو شاعری بھی کی۔

1991 ما کلچرل اکیڈمی کی طرفوں ایک کیمپ ما شمولیت کے دوران کجھ ادبی لوکاں نال ملاقات ہوئی۔ اس تو بعد انھاں نے اردو شاعری آہستہ آہستہ چھوڑ ہی شوڑی۔ ڈاکٹر رفیق انجم، انجم شناسی، کا دیباچہ ما ایک جگہ لکھیں 1991 "مانہ ہی کلچرل اکیڈمی کی طرفوں پتی ٹاپ مانہ ریاست کا چونما لکھاڑیاں کو ایک کیمپ منعقد ہو یو جس ما ڈوگرا کا کہر سنگھ مدھو کر تے کشمیری دانشور تے ادیب خواجہ محمد یوسف ٹینگ جیہی ہستیاں سنگ قربت نصیب ہوئی۔ ادب کے بارے کئی بنیادی گل سکھیں پرسب تیں اہم تھی صرف گوجری لکھن بارے ٹینگ صاحب کی نصیحت۔ بس وہ دن تے یوہ دن، کن کپ تے تھگیڈی تھپ، آلو لیکھیو اردو نا سلام کیو تے منہ سر بھلیٹ کے صرف گوجری لکھی جتنی اللہ پاک نے توفیق دتی" انجم شناسی، ڈاکٹر رفیق انجم، ع 2004، ص 17۔

1993 ما انکو اردو غزلاں کو مجموعہ بھی 'خواب جزیرے' کا ناں نال شائع ہوو۔ ڈاکٹر رفیق انجم ہوراں نے گوجری زبان وادب

سال 2007ء مانشائع ہوا۔

گوجری ادب کی سنہری تاریخ نچھ گوجری زبان مالکھی جان آلی برصغیر ما پہلی نثری کتاب جہڑی اک خاص موضوع پر لکھن ہوئی ہے۔ اس کتاب ما ہر موضوع پر کم ہو یو ہے جس طرح قدیم گوجری ادب، گوجری افسانہ، ڈرامہ، غزل وغیرہ جہڑو گوجری ادب ما قابل رشک کم ہے۔ ڈاکٹر جاوید راہی اسے کتاب کا دسمہ حصہ، تلخیص سنہری تاریخ مانسیم پونچھی ہوراں کو حوالو دے کے اس را لکھیں "اس کتاب کی اک خاص قابل تعریف گل بقول نسیم پونچھی یاہ ہے کہ 'اتنا بڑا موضوع کوچکا نہدو، اس کی ترتیب تے زبان کو برتیو سانسنی طرز پر ہے۔ اس قسم کی جاچ تاریخ کافن ماں بالکل نویں تے وقتی طلب کے عین مطابق ہے۔"

گوجری ادب کی تاریخ، تلخیص سنہری تاریخ، دسمو حصو، ع 2007ء، ص 10۔ ان کو گوجری افسانوی مجموعو 'کورا کاغذ' کا ناں نال شائع ہو جہڑو کہ گوجری مانشائع ہون آلو کہانیاں کو پہلو مجموعو ہے۔ کے ڈی مینی 'گوجری ادب کی سنہری تاریخ' کا ایک مضمون ما ڈاکٹر رفیق انجم ہوراں کی افسانہ نگاری بارے نوں لکھیں "ڈاکٹر رفیق انجم نا گوجری کہانی کو ڈاکٹر کہیو جائے تاں جھوٹھ نیں ہوسیں۔ اس را سہی ہوئے جے گوجری کہانی کی نبض پران کو ہتھ ہے۔ حالانکہ انھاں نے اپنا ہتھ شاعری تے تحقیق ماں دسیا ہیں پر گوجری کہانی ناویہ اپنا ہتھاں پر نچاتا، کھڈاتا، ہساتا تے رواتاوا لگیں۔"

گوجری ادب کی سنہری تاریخ، ستمو حصو، ڈاکٹر رفیق انجم، ع۔ 2007ء، ص 15 ڈاکٹر رفیق انجم ہوراں نے سال 2000ء کے دوران 'جموں کشمیر انجمن ترقی گوجری ادب' کا ناں نال ایک غیر سرکاری ادبی انجمن قائم کی فراسے کے تحت پہلی گوجری انگریزی لغت، گوجرا اکھان، تے گوجری گرائمر تو علاوہ 'سوغات' کا ناں نال گوجری شاعری کی کتاب سال 2004ء مانشائع ہوئی۔ انھاں نے گوجری گرائمر ترتیب دے کے گوجری زبان سکھان آلاں واسطے ہور

ہی آسانی پیدا کی۔ ان کی کتاب 'گوجری کہاوت کوش' کا ناں نال پہلی بار سال 2004ء ما پھر دو جہی بار سال 2007ء مانشائع ہوئی۔ یاہ کتاب ان کی سب تو پہلی کتاب ہے جس ما گوجری لوک ادب اکھٹو کیو وہ ہے۔

گوجری لوک ادب گوجرا سماج کو ایک اہم حصو بلکہ گوجرا سماج کی ایک کنی تو پہچان ہے۔ انھاں کی اس کتاب تو پہلاں کلچرل اکیڈمی کی طرفوں گوجری ڈکشنری ما اکھان، مجاور تے بجھارت وغیرہ شامل کیا گیا تھا۔ پر کنی تو گوجری لوک ادب نا کتابی صورت ما محفوظ کرن کو ڈاکٹر رفیق انجم ہوراں کو یوہ پہلو کم تھو۔ اس کتاب کو تفصیل نال ذکر کرنو ہوں اس وجہ تو ضروری سمجھوں کیوں کہ لوک ادب مہارا گوجرا سماج کو ایک ضروری حصو ہے۔ پر انھاں نا اکھٹا کرنو بھی مشکل کم ہے۔ کیوں کہ یوہ صرف سینہ بسینہ اگے منتقل ہو تو آئیو ہے۔ محمد منشا خاکی، گوجری کہاوت کوش، ما ایک جگہ لکھیں "گوجری لوک ادب نا جمع کرن تے کتابی صورت مانہ محفوظ کرن کا سلسلہ مانہ یاہ کنی توں پہلی کوشش ہے۔ اس توں پہلاں گوجری لوک کہانیاں تے گوجری لوک گیتاں نا بٹیلن تے چھاپن کو کم کلچرل اکیڈمی کا گوجری شعبہ نے اپنا ہتھ مالیو تھو۔ اکیڈمی کی طرفوں چھ جلدوں مانہ گوجری ڈکشنری نا ترتیب دیتاں یاہ کوشش وی کی گئی تھی جے جتنا وی اکھان مجاور تے بجھارت وغیرہ دستیاب ہوسیں انھاں نا ڈکشنری مانہ شامل کیو جائے۔ لیکن کنی توں اس بیش قیمت سرمایہ کی شیرازہ بندی کو کم کسے نے ڈاکٹر انجم تیں پہلاں نہیں کیو۔"

گوجری کہاوت کوش، ڈاکٹر رفیق انجم، ع 2004ء، 2007ء، ص 14۔ سال 2005ء تیں یہ کلچرل اکیڈمی مشاورتی کونسل کا ممبر بنیا۔ 2006ء-07 کو کلچرل اکیڈمی کی طرفوں انھاں نا 'گوجری انگریزی لغت' واسطے اعلیٰ تے بہترین ایوارڈ ملیو۔ اس توں بعد 'بخارا' کا ناں نال سال 2007ء ما تحقیقی کتاب شائع ہوئی جہڑی گوجری مصنفین بارے ہے۔ ان کی کتاب 'انجم شناسی' کا ناں نال سال

انہاں نے شاعری ما بھی اپنا ہتھ دسیا ہیں۔ انہاں نے گوجری غزلاں توں علاوہ گوجری مانعت بھی لکھی ہیں۔ عبدالمجید حسرت 'سوچ سوچچی' ما ان کے بارے نوں لکھیں۔ "ڈاکٹر رفیق انجم ہوراں کو گوجری تحقیق کا میدان ماں قابل قدر کم ہے۔ ان کی غزل بھی نوں لکھاریاں واسطے مثال ہیں۔" سوچ سوچچی، عبدالمجید حسرت، ع 2019، ص 32۔

نمونہ کا طور پران کی غزل کو ایک شعر

اس نے بھل جان کی دعا کی ہے لاج رکھیے توں یا خدا
اس کا نمونہ کا طور پران کو نعتیہ شعر

دلا چل مدینہ کو دیدار کریئے
دعا رب کعبہ کے دربار کریئے

اس توں علاوہ گوجری افسانہ کا حوالہ نال وی انہاں کو بڑوناں ہے۔

جس طرح پہلاں وی ذکر کیوں کو پہلو افسانوی مجموعو 'کورا

کاغذ' کانان نال سال 2000 ما شائع ہو یو۔ ان کو ایک اور افسانوی مجموعو 'چٹی مٹی' سال 2019 ما شائع ہو یو۔

مختصر ہم یاہ کہہ سکاں کہ ڈاکٹر رفیق انجم ہوراں کی گوجری ادب کے تئیں قابل قدر خدمات ہیں جھاننا کسے وی دور ما بھلائیو نیں جا سکتو۔ اسے طرح گوجر قوم ما مچ سارا ایسا سپوت جمیا ہیں جھاننا نے گوجری زبان و ادب نا اگے لیان واسطے قابل قدر کم کیا ہیں۔ جھاننا کی وجہ تو یاہ زبان اتنی ترقی تک پہنچی۔

جس ویلے ہم گوجری ادب آلی کھی نظر سٹاں تے متالوکاں نے اس ما اپوناں بنائیو ہے۔ کجھان لوکاں نے نثر ما اپنو جوہر دسیو تے کجھان نے شاعری ما، جس نا جو صحیح لگو وہ ہی پاسو چنیو۔ جھاننا لوکاں کی وجہ تو اوج گوجری زبان جوانی ما ہے۔ انہاں ہی بچوں ایک شخصیت ڈاکٹر رفیق انجم ہو رہی ہیں جھاننا نے گوجری زبان و ادب کی ترقی واسطے مچ کم کیا۔ نہ صرف شاعری آلے پاسے ہی بلکہ گوجری نثر ما بھی انہاں کو ناں ہے۔ انہاں کی گوجری زبان و ادب ما بے بہا خدمات ہیں۔ انہاں نے اپنی زندگی کا قیمتی لمحات گوجری زبان و ادب کی خدمت ما صرف کیا اور اجاں وی کر رہیا ہیں۔

2007 ما شائع ہوئی جھڑی جموں کشمیر انجمن ترقی گوجری ادب تو شائع ہوئی۔

ان کی گوجری کی زیادہ کتاب جموں کشمیر انجمن ترقی گوجری ادب تو ہی شائع ہوئی ہیں۔ انہاں نے ایک اور کتاب ترتیب دتی جھڑی 'عکس جمال' کانان نال 2007 ما شائع ہوئی 2007 ما ہی کتاب 'لعلان کا بنجارا' شائع ہوئی جھڑی قدیم تے جدید گوجری شاعران پر ہے۔ ڈاکٹر رفیق انجم ہوراں کی گوجری اردو لغت سال 2008 ما شائع ہوئی۔ اسے طرح سال 2018 ما گوجری، کشمیری، انگلش ڈکشنری وی منظر عام پر آئی۔ سال 2018 ما ان کی شاعری کی ایک اور کتاب 'زنبیل' کانان نال شائع ہوئی۔ جس ما اردو، پنجابی تے گوجری شاعری ہے۔ انہاں کو ایک اور گوجری افسانوی مجموعو 'چٹی مٹی' 2019 ما شائع ہو یو۔ اس تو بعد ان کی کئی اور کتاب بھی شائع ہوئیں جن ما گوجری ادبیات، گوجری شعریات، گوجری نثریات جھڑی سال 2020 ما منظر عام پر آئی۔


انہاں کا ادبی کارناماں ما ایک بڑو خاص تے قابل قدر کم 'قرآن مجید کو گوجری ترجمو' جھڑی سال 2021 ما سامنے آئیو۔ ڈاکٹر رفیق انجم ہوراں کی گوجری ادب ما قابل قدر خدمات محاری اکھاں کے سامنے ہیں جھاننا کدے بھی بھلائیو نیں جا سکتو۔ انہاں کو گوجری زبان و ادب واسطے ایک تاریخی کم بابا غلام شاہ بادشاہ یونیورسٹی راجوری ما سال 2022 ما گوجری شعبہ، کو قیام ہے جھڑو گوجری زبان و ادب کی ترقی واسطے سب تو بڑو کم ہے۔ اس شعبہ کے واسطے انہاں نے کافی پہلاں توں کوشک شروع کیں تھیں۔ آخر کار سال 2022 ما اس شعبہ کو قیام ہو یو۔ جس ما اس ویلے کامیابی نال پڑھن، پڑھان کو سلسلو چل رہیو ہے۔

ڈاکٹر رفیق انجم گوجری کا نہ صرف شاعر ہیں بلکہ گوجری تحقیق کا حوالہ نال وی انہاں کو بڑوناں ہے۔ انہاں نے گوجری ادب ماہر پاسے اپنو جوہر دسیو ہے۔ تحقیق آلے پاسے ان کو قابل قدر سرما نیو 'گوجری ادب کی سنہری تاریخ' انہاں کو لے موجود ہے۔ اس تو علاوہ

گوجری ماہد تے نعت کی روایت

راہ پل صراط توں زیادہ مشکل ہے۔ اس پر بڑی احتیاط تے ہوش نال چلن کی ضرورت ہے۔ اس واسطے شعراء نے نعت ماہے بسی کو اظہار کیو ہے۔ جس ہستی پر خدا آپ درود بھیجے انسان کی کے مجال ہے کہ اس کی تعریف کو احاطہ کر سکے۔

"جس ویلے گوجری ادب ماہد تے نعت کی روایت آلی بکھی نظر سٹاں تے پتو چلے کے بھی صدی کا شروع کے نال ہی جدید گوجری ادب کی شروعات ہو جائے۔ اس صدی کا نصف ماسی حرنی، باراں ماہ تے بیت وغیرہ کو زیادہ چلن رہیو۔ تے نعت کا موضوعات واسطے سی حرنی کی صنف استعمال ہوئے تھی۔ نعت کنی توں ایک صنف نیں ہوئے تھی۔ اس ویلے سی حرنی کا جہڑا شعراء تھا انھاں نے اپنا کلام ما پہلاں حمد تے پھر نعتیہ اشعار کو



ڈاکٹر نزاکت حسین پونچھ

استعمال کیو۔ حضرت بابا جی صاحب لاروی، سائیں فقر دین، میاں نظام الدین لاروی تے سائیں قادر بخش وغیرہ جیسا شعراء نے اپنا کلام مانعتیہ اشعار کو استعمال کیو۔ لیکن نظم کی صورت ماہد تے نعت کو سلسلو گوجری ادب ما بعد شروع ہوؤ۔ گوجری ادب مانعت تے حمد لکھن کی ایک وجہ یاہ بھی ہے کہ جس طرح ڈاکٹر رفیق انجم بھی نعت کا حوالہ نال 'گوجری ادب کی سنہری تاریخ' ما ایک جگہ لکھیں ہے "ایک وجہ یاہ ہو سکے ہے گجر ادبیاں، قلمکاراں کو سارو قافلو تقریباً مسلماناں کو ہی رہیو ہے ان ما اکثر تخلیق کار صوفی شاعر رہیا ہیں، اور انھاں نے مثنوی کی صورت ما جہڑی شاعری کی ہے اس ما اکثر جگہ نعت کو عنصر پایو جائے۔ جدید گوجری ادب تو پہلاں قدیم گوجری شاعری ما بھی

گوجری ادب ماہد تے نعت پر بھی متوکم ہوؤ ہے۔ حمد تے نعت کی روایت بارے گل کرن تو پہلاں حمد تے نعت کی تعریف ضروری ہے۔ حمد ایک ایسی صنف ہوئے جس ما اللہ تعالیٰ کی تعریف بیان کی جائے۔ حمد کا لغوی معنی تعریف کرنو، خوبی بیان کرنو، بڑائی و بزرگی کو اقرار کرنو، حاجت روا اور مشکل کشا منو اور اپنو مالک اور آقا تسلیم کرنو کا ہیں۔ لیکن یوہ لفظ کسے مخلوق واسطے استعمال نیں کیو جاتو کیوں کہ لفظ "حمد" صرف اللہ تبارک و تعالیٰ کے واسطے ہی مخصوص ہے۔ حمد ما اللہ تعالیٰ کی واحدانیت نا بیان کیو جائے جہڑو مالک ہے دو جہاں کو۔ نعت شاعری کی ایک صنف ہے جہڑی مقدس تے متبرک ہے۔

نعت عربی زبان کو لفظ ہے۔ لغت کا لحاظ نال نعت کو معنی تعریف یا وصف بیان کرنو

ہے۔ فن شاعری مانعت اس صنف نا کہیو جائے جس ما شاعر پیغمبر آخرزماں حضور صلی اللہ علیہ وسلم کا اوصاف تے کمالات، حضور صلی اللہ علیہ وسلم کی واحدانیت نا بیان کرے۔ نعت ما حضور صلی اللہ علیہ وسلم کی زندگی کا ذاتی تے صفاتی پہلو نا بیان کیو جائے۔ اس سلسلہ ما شاعر جہڑو لب و لہجو اختیار کرے اس تو مراد حضور صلی اللہ علیہ وسلم کی ذات گرامی ہی ہوئے۔

نعت گوئی مشکل فن ہے جس ما بڑی احتیاط کی ضرورت ہے۔ اس ما شاعر نا ایک مخصوص حد کے اندر ہی رہنو پوئے۔ فن شاعری کا تجزیہ نگاران نے نعت کی مختلف انداز ما تعریف بیان کی ہیں۔ ڈاکٹر ایم۔ ڈی۔ نسیم اس بارے نوں لکھیں۔ "نعت گوئی کو

شاعر تھا۔ ان کی شاعری کو متوجہ نعتوں کو ہے۔ انہاں نے نعتیہ اشعار خاصی تعداد مالکھیا ہیں۔ انہاں نے حضور پاک کی سیرت نا بھی بیان کیو ہے۔ نمونہ کا طور پر ایک شعر

رازوں کی واہ رات سلکھنی شب معراج کہواوے
دھن محبوب الہی جس نا مالک آپ بلاوے

عبدالمجید حسرت اپنی کتاب مانشاخا کی ہوراں کی کتاب نثر بہار کو حوالو دے کے لکھیں کہ منشاخا کی اسرائیل اثر ہوراں کی نعت گوئی بارے اس طرح لکھیں۔ "ان کی نعتیہ شاعری مادعا ئیہ شعر زیادہ ہیں۔ جس ما اسرائیل اثر نے اپنا سوٹھاں، ہاڑاں، تاہنگاں تے مدینہ کا دیدار کرن کو اکثر ذکر کیو ہے۔ اسرائیل اثر، اقبال عظیم، تینیسیم پونچھی 1980 تو بعد کا نعت گو شعرا ہیں۔ جہاں نے بڑا خوبصورت انداز مانعت لکھی ہیں۔ انہاں نے متا سوہنا طریقہ نال حضور نال محبت کو اظہار کیو ہے۔ اقبال عظیم چودھری ہوراں نے نچھ گوجر الفظ کو استعمال کیو ہے۔ نمونہ کا طور پر

وہ سچو سچیاں اسے کا وہ اچو اچیاں اس کیں

سچ کی مہار ہے ہتھ اسے کے وہ سچو سچیاں اس کیں

شہر علم کا اک امی کے ہتھوں بسیا روشن روشن

وہ عالم وہ عاقل شاعر جس نے گوریں گائیں اس کیں

نسیم پونچھی ہوراں کو شمار بھی 1980 تو بعد کا نعت گو شعرا

ماہوئے۔ ان کا کلام ما بھی بہت سارا نعتیہ اشعار لہجہ جائیں۔ نمونہ

کا طور پر چند نعتیہ اشعار

مدینے ہوں جاؤں نہیں سمیان کولے

ہے کھوٹی جے بس اک جند جان کولے

نعتیہ شعر لکھیں۔ جدید گوجری شاعری ما جتنی بھی صفیاں کو شمار ہوئے ان کو باقاعدہ آغاز 1956 تو بعد ہی ہو یو ہے۔ اسے طرح نظم کی صورت ما حمد تے نعت لکھن کو سلسلو بھی گوجری ادب ما باقاعدہ طور 1956 توں بعد شروع ہوؤ۔ اس تو پہلاں باقاعدہ طور پر صنف کی شکل ما حمد تے نعت کو کوئے سلسلو نیں لکھتو۔ گوجری شاعری مانعتاں کو مچ سا روخرا نو موجود ہے۔ متاں شاعراں نے نعتیہ اشعار لکھیا ہیں۔ بلکہ ہم یاہ بھی کہہ سکاں کہ تقریباً ہر شاعر نے نعت نگاری کی کوشش کی ہے۔

گوجر قوم ایک سادہ تے شروع توں ہی گھٹ ہی پڑھیا لکھیا ہون کے باوجود بھی حضور پاک ﷺ نال محبت انہاں کا دلاں مارچی بھی ہے۔ اس وجہ توں نعت گوئی ایک مشکل فن ہون کے باوجود بھی انہاں نے نعت لکھن کی کوشش کی ہے۔ عبدالمجید حسرت 'سوچ سوچگی' مانعت کا حوالہ نال نوں لکھیں "اس فن کی بارکیاں کی وجہ تیں جت شعراء نے اس توں بچن کی کوشش کی ہے اُتے اس کا بابرکت ہون کی وجہ توں ہر زبان مادھیہ اشعار لکھیا گیا ہیں۔

شعراء نے اپنا اپنا انداز ماں دربار رسالت ﷺ ماں عقیدت کا نذرانہ پیش کیا ہیں۔ سوچ سوچگی، عبدالمجید حسرت، ع 2019، ص 20۔ ڈاکٹر رفیق انجم ہوراں کے مطابق تعداد کا لحاظ نال حسن دین حسن تے رانا فضل حسین راجوری ہوراں نے سب تو زیادہ نعتیہ اشعار لکھیاں ہیں تے نعتاں کو پہلو مجموعہ بھی "گوجری نعت" کا ناں نال انہاں نے ہی چھاپیو تھو۔ نعت حضور صلی اللہ علیہ وسلم نال محبت کوناں ہے۔ حضور صلی کی سیرت پاک نا، سیرت کا ایک ایک پہلو نا نظم کی صورت ما بیان کرنو نعت ہوئے۔ حضور صلی نال محبت کو اظہار نثر ما بھی ہو سکے ہور شاعری ما بھی بیان کی جا سکے۔ اسرائیل اثر گوجری کا ایک بڑا

ہو جاتا فر مہر بان اللہ اللہ
ہے سؤنی محمد کی شان اللہ اللہ
عبدالرشید چوہدری نعتیہ کلام ماعتقیدت کو اظہار اسرے کریں۔

سرور عالم کا پرسے کا اک پھٹکا پر صدقے ہیں
نرگس، گیندہ تے ست برگہ، ہر موسم کا تاز پھل
جن شعراء کا کلام کو باقاعدہ ذکر کیو ہے تے نمونہ بھی پیش کیا

ہیں۔ انھیں توں علاوہ گوجری کا مچ سارا ہور بھی شاعر ہیں جنہاں
نے نعت لکھی ہیں۔ جن ماسروری کسانہ، قاضی جلال الدین،
عبدالکریم پرواز، نذیر احمد نذیر، شہباز راجوروی، بابونور محمد نور، شاہ
محمد شہباز، پروفیسر یوسف حسن، منیر حسین چوہدری تے ابرار احمد
ظفر وغیرہ شامل ہیں۔ انھیں تو علاوہ بھی کچھ ایسا نواں لکھاڑی ہیں
جن کو نعتیہ کلام کلچرل اکیڈمی کا شیرازاں ماچھتو رے۔ ان ما
چوہدری ریاض صابر، چوہدری گلزار تبسم، تاج الدین تاج، وغیرہ
لوک شامل ہیں۔ انھیں ساراں لوکاں نے نعت نگاری ما اپنوجو ہر
دسیو ہے۔ جس طرح پہلاں بھی ذکر کیو کہ گوجری ما حمد تے نعت کو
باقاعدہ سلسلو 1956 تو بعد شروع ہوؤ۔ اس توں پہلاں دو جی
صفناں جس طرح سی حرفی وغیرہ مانعتیہ اشعار تے حمد دیکھیں جا
سکیں۔ لیکن باقاعدہ طور پر 1956 توں بعد ان کو سلسلو شروع
ہوؤ۔ اس فن کا بابرکت ہون کی وجہ توں گوجری کا تقریباً ہر شاعر
نے نعت گوئی ما اپنوجو ہر دسیو ہے۔ لیکن اس کے باوجود بھی گوجری
نعت اجاں اس مقام پر نہیں پہنچی جت کہ دو جی زبانوں کی نعت
ہیں۔

ڈاکٹر رفیق انجم، گوجری ادب کی سنہری تاریخ، ما گوجری
نعت بارے نوں لکھیں "جت تک ہوں سمجھ سکیو ہاں کچھ اک نعتاں
نا چھوڑ کے باقی ساراں کو زور اک ہی گل پر رہیو ہے" ربالے

ہے آقا کو ڈاڈو گمان اللہ اللہ
حسن دین حسن ہوراں نے مچ تعداد مانعتیہ اشعار لکھیا
ہیں۔ تے رانا فضل حسین راجوروی ہوراں کو بھی گوجری نعت کا
حوالہ نال ایک بڑوناں ہے۔ انھیں نے بھی مچ سارا نعتیہ اشعار
لکھیا ہیں۔ نمونہ کا طور پر ان کی نعت کا دو اشعار اس طرح ہیں۔

چڑھتل چناں چانن چانن، چانن لایا سارے لاٹ
سچی لو روشن روشن، روشن عرش منارا
چناں عرش کی چوٹی چڑھ کے تم نے نور کھنڈایا
چن اسمانی ٹٹ جڑے ہوئے انگلی نال اشارہ
نعت گوئی ایک مقدس فن ہے تے نالے بابرکت بھی ہے۔

اس ماشاعرنا ایک مقرر حد کے اندر رہنوپوے۔ اس واسطے یوہ ایک
مشکل فن ہے۔ لیکن اس کے باوجود بھی گوجری ادب کا تقریباً ہر
ایک شاعر نے نعتیہ اشعار لکھن کی کوشش کی ہے۔ روضہ رسول کا
دیدار کی تڑپ تے ارمان ما گوجری کا زیادہ لکھاڑیاں نے نعتیہ
اشعار لکھیا ہیں۔ ڈاکٹر رفیق انجم ہور گوجری کا محقق ادیب تے
شاعر ہیں۔ انھیں نے نعت بھی لکھی ہیں۔ نمونہ کا طور پر

دلا چل مدینہ کو دیدار کریئے
دعا رب کعبہ کے دربار کریئے
گوجری کا ایک ہور شاعر چوہدری عبدالغنی عارف ہوراں
نے بھی نعت لکھن ما اپنوجو ہر دسیو ہے۔ نمونہ کا طور پر ان کی نعت کا
دو اشعار اس طرح ہیں۔

مدینہ کی گلیاں کو ہوں بھی بھکاری
وہا عرض تم نے کیوں نہیں گزاری

ہر مصیبت مانھ توں ہی یاد آوے
 ہر کسے درد کی دوا توں ہے
 کول اتنو کہ دل مانھ ہے موجود
 دور اتنو کے لاپتا توں ہے
 زندگانی ہے اک سفر یا رب
 توں ہی منزل ہے راہنما توں ہے
 خلاصو: کہھاں لفظاں ماذکر کراں تے گوجری ماہد تے نعت
 کا قدیم گوجری ماہی کچھ نمونہ لہجہ جائیں۔ اس تو بعد نبی صدی کا
 پہلا نصف حصہ ماسی حرنی وغیرہ صنفان ماہد تے نعتیہ اشعار لکھیا
 گیا۔ لیکن باقاعدہ طور پر حمد تے نعت کو سلسلو گوجری ادب ما
 1956 تو بعد شروع ہوو۔ اس تو بعد گوجری کا متا شعراں نے حمد
 تے نعت ما پوجو ہر دسیو۔

کتابیات:

- ۱- حسرت، عبدالمجید، اسوچ سوچھی، جموں کشمیر
 اکیڈمی آف آرٹ کلچر اینڈ لینگویٹجز، 2019۔
- ۲- شیرازہ، نعت نمبر، جلد ۲۳ (شمارو: ۴)، جموں اینڈ
 کشمیر اکیڈمی آف آرٹ کلچر اینڈ لینگویٹجز، سر
 ینگر، 2015۔
- ۳- رفیق انجم، ڈاکٹر، گوجری ادب کی سنہری
 تاریخ، (چھٹی و حصو)، گوجری نعت تے گیت، کلچرل
 اکیڈمی جموں، جموں، 2006۔
- ۴- عبدالرشید چوہدری، نین سمندر، 2010۔

چل مکہ مدینہ ماں" تے جتنا وی ذاتی تے صفاتی پہلو ہیں، حضور
 پاک ﷺ کی زندگی مبارک کا انھاں پر ضرورت توں گھٹ لکھن
 ہو یو ہے " گوجری ادب کی سنہری تاریخ، ڈاکٹر رفیق انجم، جلد
 10، ع 2007، ص 214۔ حمد ما اللہ تعالیٰ کی تعریف بیان کی
 جائے۔ اس پاک ذات کی جہڑو مالک ہے دو جہان کو۔ حمد چچ
 بابرکت فن ہے۔ جس ویلے ہم کوئے وی کم شروع کراں تے
 پہلاں اللہ تعالیٰ کوناں لینو ضروری ہے۔ گوجری کا زیادہ تر شاعر
 مسلمان ہی گزریا ہیں۔ اس واسطے انھاں نے جس ویلے اپنا کلام
 کی شروعات کی اس ما وی پہلاں حمد دیکھیں جائیں۔ لفظ حمد کسے
 مخلوق واسطے استعمال نیں ہو تو۔ یوہ صرف اللہ تعالیٰ کی ذات
 واسطے مخصوص ہے۔ نمونہ کا طور پر محمد عبداللہ غنخوار ہوراں کا حمد باری
 تعالیٰ کا چند اشعار۔

اے مالک ہوں جہاں دیکھوں تیری دسے خدائی
 کچھ کالیں کچھ چٹی دسیں تیں سب شکل بنائی
 پتھر لکڑی بیچ کیڑا نا روزی آ پوہچائی
 اپر آسماناں تے پٹھ زمین کے جو ترتیب ٹھرائی
 چار چو فیری سمندر کر کے خشکی بیچ ٹھرائی
 آسمان باغ بہار بنا کے دنیا بیچ بسائی
 انور حسین ہوراں کا حمد باری تعالیٰ کا چند اشعار اس راہیں

سارا عالم کو بادشاہ توں ہے
 حمد لائق بس اے خدا توں ہے
 ہم تیری صفت کے بیان کراں
 ساری صفتاں کی انتہا توں ہے

گوجری افسانچو "ملج"

تحریر منظور الحق منظور کلانیوی

سائیں نور دین نیوں تے محکمہ مال مویشی کے بیچ کمپوڈر کی نوکری کرے تھوتے عام طور وری لوکاں ماں "ڈنگر ڈاکٹر" کا ناں نال مشہور تھو وری اس کو اصل پیشو سائیں گیری کو تھو جس وسطے وہ دور دور تک مشہور تھو۔ وری وار تے ایتار آلا دھاڑا اس نے "بل (وجد) پین" واسطے خاص رکھیا واہ تھا پر نیوں وی گٹ، توتج حتی، تے پھوک جھاڑ کرن کو ویلو کڈ لینے وے تھو۔ مندر ہیری جی قداکھی، بلیں بلیں اکھ، دودھ چٹیں کھکھاڑیاں اپر لالی کی لشک جسرہ لہو کا تروکا ہن ڈھٹا بے ہن، جیبوں ذری تھتھو ورفرو وی گل جور کٹے وے تھو۔ شیطانیان ماہ تے وہ نمیکلو سوا بلیں نامات دیئے وے تھو ورفرو وی کم دھندا نا بہتر چلان واسطے گراں کا درجی، نائی، موچی، لوہار، ترکھان تے چوکیدار نال اس کو خاص یرانوں تھو۔ ہور ان تیں بجن وی گراں کا کج اغوال گدراں نال اس کی خاص بنے وے تھی کیوں بے اس کا دھندا ماہ اک صاف تے سکر گل کی جتنی قیمت اس ناں لہن کی امید ویتھی اس وروں مہینہ کی راندیا ناکہاوں تے یا ہی چٹ منگلی اس کی سکر گلاں ماہ جان گہلن واسطے اس کی اجٹی وی کرے تھی تے اس کی مشہوری کوراز وی تھی۔ اس کا بدلا ماہ سائیں نوروان کو پوٹوان کی امیدیں بد کے ٹھنڈو کر چھوڑے ویتھی تھو۔ گراں ماہ سنیا روتے کوئے تھو نہیں وری لوہار تے درجی نا اس نے سمجھو توتج مڑن کوئے گٹ۔ نہان کوٹھیکو چا دووہ تھو۔ توتج حتی دیتاں ہی کہہ چھوڑے ویتھی تھو "ت۔۔۔ ت۔۔۔ تم پہاویں جی۔۔۔ جی۔۔۔ جس کولوں مرضی مہڑا لہو و۔۔۔ و۔۔۔ ورجبا لو۔۔۔ لو۔۔۔ لوہار تے نے۔۔۔ نے۔۔۔ خیر یا

درجی کو اس کم ماہ کو۔۔۔ کو۔۔۔ کوئے مقابلو نہیں۔ اے۔۔۔ اے۔۔۔ اک گل یا۔۔۔ یا۔۔۔ یاد رکھیو، ت۔۔۔ ت۔۔۔ توتج مڑہان تیں بعد میرا کولوں ہی آ۔۔۔ آ۔۔۔ آ۔۔۔ آن کے بے۔۔۔ بے۔۔۔ بدوائیو مدے کدے آ۔۔۔ آ۔۔۔ اچھٹو پے جے تے فر مناں دو۔۔۔ دو۔۔۔ دوں دیتا پھریں "فر بھلا کس کی ہمت بے ہور کسے کول ٹر جے۔ کپڑا ماہ مڑہان آلا سارا درجی کول تے چاندی آلا چمبا لوہار کول جا پچیں تھا۔ ویتھی وی حساب کا پکا تھا کنو کن کسے ناسیتر لگن بجن ہی سائیں ہوراں کی کمشن پچھا جیں ویں تھاتے اپروں سائیں ہوراں کی صفتاں کی گھڑیں گھڑاں کہانی اس طرحیا سناویں ویتھی تھا بے ادھی بیماری تے اتے بل ہو جے ویتھی تھو انٹری کالسر یاں کا گاٹا ماہ توتج بدتاں یا لک ماہ گٹ بدتاں سائیں ہوراں کیں اکھ جیڑا نظار کریں ویتھی تھیں تے مجھ دھسکھارا کھان لگیں تھیں ان در دیکھ کے شیطان کا کھا ساسنگی سائیں بن واسطے جتن کریں تھو ہر ایکن کا ویتھی نصیب کت؟ واہ ہور گل اے بے ان جو انڑی گدریاں کا کھسم سائیں کدے نال وی ویتھی تھاتاں وی ان کی شک کی سونیں کدے سائیں نوریا کی پھرکتی مجھ تے تھرتھا تھان کی صفائی در نہیں مڑیں، کیوں بے دل ماہ شک آن کے ویتھی اپنوں نقصان نہیں تھا کروانا چا ہویں تے نہ ہی جنم رسید ہون کو خطر و مول لے سکیں تھا۔ کج گدریں سائیں ہوراں کے ہتھیں ننگلتیں کتکتیاں کی گل سمجھ جیں ویتھی تھیں تے ان کا نتیجہ وی بڑی بار بکھریں بکھریں راہیں ڈٹھا۔ پہلاں تے سر درد، کاہلی گھبراہٹ، ڈھڈ درد، تاپ تے ہور کئی موٹی ماند کی آلیں پیکلیں ان کی لمبی لین سائیں ہوراں کے لگی رہ تھی ورجد تیں اک کمپوڈر نے گراں ماہ انگریزی دوائیاں کی ہٹی گہلی لوکاں کو ویتھی و

جو۔۔۔ جو۔ جو ایں۔ نیت ثواب کی۔۔۔۔۔ رکھیوتاں بیڑو
 پارل۔۔۔ ل۔۔۔ لگے۔ گو۔ یا گدی کتنی بھاری اے، یا گل ہ۔۔۔
 ہ۔۔۔ ہوں جانوں یا فریوگ۔۔۔ گ۔۔۔ گدی آلو۔ آ۔۔۔ آ۔۔۔
 انان نا کے پتو نور کا لٹکارک۔۔۔ ک۔۔۔ کت لگیں، یا کوئے
 آ۔۔۔ آ۔۔۔ اکھاں آلو ہی جانے "ور کدے کوئے پیار محبت کی
 کامیابی مانہ یادو جا کا بستا گھرنا پٹن پٹان واسطے سائیں ہوراں کی
 خدمت لین آ یوتے اس جو گو ویلو الگ تیں اپنے نیویں مقرر ویہ
 تھوتے اس کی فیس وی کھسیری تھی۔ اس فیس پنج اجنٹاں کو حصو وی
 سکر خبر واسطے ضروری تھو باقی گرائیں تے سارا سائیں ہوراں کا
 مرید تھا ور روڑا آلی کا کج گدر اگاں ہندوستان کا کسے مدرسہ بچوں
 چارا کھر پڑھ آیا داتھا تے سائیں ہوراں کی گلاں کا ٹھٹھا مذاق کرتا
 رہیں تھا۔ سارا گرائیں انان نا نہ وہابی کہہ کے گل مکا چھوڑیں تھا
 تے دوہاں ولاں کو کم اسے راہ توں متوں ور چلے تھو موتیاں تے
 رفیقہ کو بیاہ ہویاں اٹھ سال ہو گیا داتھا، اللہ نے ماں باپ ہاروں
 سہنی کد کا ٹھی تے نک منہ آلا دو پوت وی دتا داتھا۔ موتیاں لماں
 تچھریرا قد کا ٹھی کی خوبصورت جنانی تھی دودھ ہاروں چٹیں
 کھکھاڑیں، تے لموں گاٹو۔ ٹرتاں پھرتا کنناں کی بالیں جد ہلارا
 کھنیں تھیں تے جو انڈرا گدراں ناس کے نال چٹ کے جھو
 کھان کو روح آدے تھو۔ موتیاں نیویں تے ہر کسے نال ہس ہس
 کے لمیری جھوک نال گل کرے ویہ تھی، واہ جد گل کرتاں ہسے تھی
 تے چٹا شمیت اچا اچا تھ آلا دنداس کی خوبصورتی نا چارچن لاویں
 تھا پر کدے کسے گھر وی کوٹی نیت وراں ناشک وی پے گیوتاں
 متھا ور گھر نچ پے جائیں تھیں تے منہ ورمندی گھر ٹھ گہل کے
 کھوری جئی آواز مانہ گال کڈے ویہ تھی "تیری جنن آلی ناں
 لنت، کھل جا حرام گیا تیاں اج ہوں دسوں گی کسراہ ستیں بیہیں سو
 ویہ۔۔۔" فرجد واہ کوئے بٹو چا کے اس کسے کے پیچھے دوڑے تھی

بدل گئیو۔ وہ حقیقت پر وی کدے کج گولیں چا دیہہ ویہ تھوتاں
 وی جھٹ آرام ہو جانوں تے کدے چارے بنیں فرق نہ پیو تیاں
 کدے سائیں ہوراں کو نمبر لگے تھو۔ سائیں تے کمپوڈراک دو جا
 کی ہمیشاں بدخواہی کرتا رہیں تھاتاں بے لوکاں نا اپنا کرتب کو
 یقین دوا سکیں پر یقین کی تھالی پر جد توڑی علم تے دماغ کو سلونوں
 نہ ویہ تیاں یقین کو صواد پھکو ہی ریہ سائیں نوریا نا جد ایتوار تے
 ویر وار آلے دھاڑے پٹی آلا پیر کی زیارت پر ہل پوئے ویہ تھو
 تے ان اجنٹاں کے ذریعے لہجھی وی معلومات کے اوپر جد وہ ہلتا سر
 کوٹڑ کو سٹ کے مروڑا کرے تھوتاں لوکاں کا کن کھلا ہو جئیں ویہیں
 تھا۔ کوئے کج بولے وی تے کسراہ، منہ مانہ گہنگنی پے جئیں تھیں۔
 جد سارا سائیں ہوراں کو لے ہل پیتاں حاضر وہیں تھاتے وہ موکل
 نا حاضر کر کے باری باری جس نا جیڑی گل دسے تھو اس گل نا یاد رکھ
 کے جد حل پینو بند ہو جئے ویہ تھوتے تاں سائیں ہور لمبی لمبی سر کی
 لٹاں نا نہ دھو دھا کے تھڑا پر پیسیں تھاتاں اپنی بیماری کو علاج
 کرانوں پوئے تھو، حل پیتاں اکثر سائیں ہور دو زانوں بیٹھاں
 بیٹھاں جد وجد مانہ آویں تھاتے تھتھی جئی آواز مانہ افران
 زیارت کی چھت دن نظر چا کے تر تر دیکھتاں انگلی کو اشار و چھت در کر
 کے کہیں ویہیں تھا "م۔۔۔ م۔۔۔ ل۔۔۔ ل۔۔۔ ج۔۔۔ ج۔۔۔ ملج، ملج"
 تے نالے تھہ کی تلی کھول کے اس طرحیا ہوا مانہ پھیریں ویہیں تھا
 جے جسرہاہ سلیٹ ور لکھیو ملہیتا ویہیں۔ لوک اس حالت نا
 دیکھتاں ہی کہیں تھا، "سبحان اللہ، تیریاں توں ہی جانیں" فر
 توتج دھاگو، گٹ، بتی وغیرہ دے کے نال ٹھاپنوں دے کے
 سائیں ہور صند و قڑی در اشارو کریں وہیں تھا "نہ۔۔۔ نی۔۔۔ نیاز
 مناں نہ دیو اس مانہ ک۔۔۔ ک۔۔۔ گھہلو، میں کے کرنا
 پ۔۔۔ پی۔۔۔ پیسہ، بس نیاز نال زا۔۔۔ زا۔۔۔ زیارت
 کیں ضرورت پ۔۔۔ پ۔۔۔ پوری ہوتی رہیں تے ویہ ہی

گوجری ادب رسالہ کا مقاصد

گوجری ادب میگزین کو سو صفحات پر مشتمل پہلو شمارو ساتھیاں نال مل کے ہمیں 2012 ما اسلام آباد ٹوں شائع کیوتھو۔ کجھ مسائل کی وجہ تو ہم اس کو تسلسل نا جاری نہ رکھ سکیا اور ہن اک نواں جذبہ تے نویں ٹیم نال دوبارہ بسم اللہ کر رہیا آں۔ گوجری ادب شائع کرن کا مقاصد صرف اور صرف یہ ہیں۔

گوجری زبان و ادب کی ترویج تے اشاعت۔

معیاری گوجری ادب بٹیل کے سامنے لیانو۔

نوجوان لکھاریاں کی حوصلہ افزائی۔

☆ گوجری زبان، تاریخ تے ثقافت نا اجاگر کرنو۔

☆ گوجری زبان نا عام کرنو تے روایتی چہا کو ختم کر کے

گوجری بولن تے لکھن کی ترغیب دینی۔

☆ آن آلی نسل ناں گوجری زبان کی عظمت رفتہ تے سنہری

تاریخ ٹوں آگا ہی دینی۔

اس سلسلہ ماہم اپنا تمنناں ساراں نادر خاس کراں جے اس عظیم

مشن واسطے گوجری ادب ما اپنوصو، شاعری، نثر، افسانہ،

کہانیں، لوک ادب، مضامین کی صورت ما اپنیں تحریر ہمنناں

اس پتہ ورارسال کرو یا واٹس ایپ کرو۔

ڈاک پتو: ہاؤس نمبر 257، گلی نمبر 23، سیکٹری سیون اسلام

آباد

واٹس ایپ: +923101878887

ای میل: gojriadabpk@gmail.com

م۔۔۔ ل۔۔۔ چ۔۔۔ ملج۔۔۔ ملج۔۔۔ "رفیقا نے سوچ لیو وہ تھو
جے طلاق کی گل کسے نے سنی ہی نہیں تے موتیاں نا فرٹھگ ٹھو ہڑ
لئے گوتاں جے گھر بیج جے ورسائیں ہورتے جانی جان ایں۔ گل
کھلر گئی تے گھر برباد ہو جائے گوتے کدے طلاق کانواں قانون
کی گل کوئے موتیاں کے کنیں چاڑگیو تے پتو نہیں واہ کے کرے
تے اس نا پوری عمر جیل ماسٹرنوں پووے۔ یا گل سن کے سائیں
ہوراں کے پیریں ڈھے گیو تے کہن لگو، "پڑدو سائیں جی
پڑدو،۔۔۔ اللہ کو واسطو اے ہوں لٹے جاواں گو پڑدو" فرجدر سارا ٹر
گیاتے سائیں نے کھاسیں گل کرن تیں بعد رفیقا نا کہو، "ہ۔۔۔
ہ۔۔۔ ہوں تے پڑدو گھلوں وراں مالک اگے ت۔۔۔ ت
تے کوئے پڑدو نی۔۔۔ نی۔۔۔ نہیں نا۔" رفیقو پیریں ڈھے گیو
تے روتا بلکتا رفیقاناں افران اٹھال کے سائیں ہوراں نے اس کا
کن مانھ کہو، "اس کو اک ہی حل اے۔ موتیاں کو نکاح اک دن
کسے ہورنال کرانوں پوئے گوتے فرحلالہ تیں بعد جدوہ اس نا
طلاق دے چھڑے تے تیر و فر نکاح ہو جے گو۔۔۔۔۔" فرسر پکڑ
کے کج سوچتو رہو تے فر کہن لگو "سو۔۔۔ سو۔۔۔ سو۔۔۔ سو کیا ہڈا تیں
ہوں مہ۔۔۔ مہ مندیوں پھسا چھوڑیو، یا گل تے ر۔۔۔ ر۔۔۔ راض
کی اے، ہ۔۔۔ ہ۔۔۔ ہور کوئے سن گیو تاں واہ ہی گل ہو جے
گی، نا۔۔۔ نا۔۔۔ نائیاں نے سنی ت۔۔۔ ت۔۔۔ تے گریاں نے
سنی۔۔۔ آ۔۔۔ آ۔۔۔ اچھا تیر و گھر بسان واسطے ہ۔۔۔ ہ۔۔۔ ہوں یو
زہروی کھ۔۔۔ کھ کھاں گو۔ توں جام۔۔۔ مم۔۔۔ موتیاں نا کسے
حیلے۔۔۔ مم۔۔۔ مناتے آپ اج رات نی۔۔۔ نی۔۔۔ نکال نالے
کے کدے ٹ۔۔۔ ٹ۔۔۔ ٹر جائیے تاں جے پ۔۔۔ پ۔۔۔ پڑدا
پڑدا مانھ گل مک جے" مک چک

☆☆☆☆☆☆

اک دیہاتی غی مزاحیہ کہانی

عاصم الحسن چوہدری

شکر یو ادا کیوتے دعاواں نال رخصت کیو۔ کھوتانا ماسٹر ہوراں غے ڈھیرے چھوڑن غو عظیم فریضو وی دیہاتی نے ادا کیو۔ ماسٹر صاحب نے پورو مہینو کھوتا کولوں خوب کم لیو ایساں دیہاتی نا کھوتا غی عدم موجودگی مانھ سارو کم کاج آپ ہی کرنو پے تھو۔ مہینہ بعد دیہاتی کھوتا غی خبر گیری واسطے ماسٹر صاحب غاڈریہ ورتہنچ گیو لیکن ماسٹر ہوراں نے حکم نامو جاری کیو کے حالاں بڑ و فریق رہ جد سہی انسانی خصلت اس نے اپنالی تاں ہی واپس کروں غو۔ اس نام از کم اک اور مہینو لٹے غو دیہاتی واپس چلیو جے۔ دو مہینہ تیں بعد دیہاتی فر ماسٹر صاحب کول حاضر وے اس دفعہ اس نا چنگی خبر موصول وے کے اس غو کھوتو انسان تے بنڑھ گیو و ماسٹر صاحب غو ارادو ہے کہ اس نا اک اعلیٰ عہدہ غو افسر بنڑائیو جائے اس واسطے کم از کم سال درکار وے غو۔ یاد رہے کہ اس عرصہ مانھ ماسٹر صاحب نے کھوتا کولوں خوب کم لیو۔ اوکھ سوکھ کر غے افسر غا خواب مانھ دیہاتی نے اک اک دن گزرتے سال وی پورو کر چھوڑیو۔ سال گزرن غے نیڑے تھو دیہاتی غی خوشی مانھ روز بروز اضافو ہو رہیو تھو آخر کار سال گزر گیو دیہاتی دوبارہ ماسٹر ہوراں غی خدمت مانھ حاضر ہو گیو ماسٹر صاحب نے دسیو کے تیر و کھوتو اک اعلیٰ افسر بنڑ غے ضلع غی سب تیں بڑی عدالت مانھ حج غا فرائض سرانجام دے رہیو اے۔ اس وقت دیہاتی غی خوشی عروج ورتھی آخر کار وہ ضلع غی بڑی عدالت مانھ پہنچ گیو پہلاں تے اس نے حج صاحب نا مخاطب کرن واسطے کافی کوشش کی لیکن حج غی عدم دلچسپی غی وجہ تیں وہ دل برداشتہ ہو یو کہ اس نا اپنا مالک در بلکل تہیان ہی نہی۔ اس نے کہیو افسر بن غے یوہ کجھ زیادہ ہی نخرہ مانھ آ گیو اس نے

اک دفعہ غو ذکر اے کہ کسے دیہات مانھ اک غریب رے تھو پیاہ تے کر لیو لیکن اولاد نہی تھی۔ اس غا سرمایہ مانھ کل ملا غے اک بیوی، اک ٹٹو پھٹو گھر، 8 مرلہ زمین تے، اک کھوتو تھو۔ اس غا معاش غو واحد ذریعو اس غو کھوتو تھو جس وروہ سامان ایساں ایساں پہنچا غے اپنوتے اپنی بیوی غو پیٹ پالے تھو۔ پڑھائی داروں چڑوان پڑھ تھو اک تہاڑے سکول غے نیڑے تیں لنگیو اس نے سنیو کے اک استاد اپنا شاگرد نا کہہ رہیو تھو توں کس رے نی سبق یاد کر سے میں ات کھوتو وی انسان بنڑالیا۔ دیہاتی یاہ گل سن غے دل ہی دل مانھ خوش ہو گیو اس غا دل نے کہیو کہ ہن ہی جانے ماسٹر ہوراں نال لیوں تے اپنا کھوتانا وی کجھ دن پہنچ چھوڑوں لیکن فراس وقت سکول مانھ جانو مناسب نہ سمجھتا واں اس نے اپنوں ارادو بدل لیو۔ وقت گزرتو گیو آخر کار اک دن آ گیو جس غو دیہاتی نا انتظار تھو ماسٹر ہور مل گیا دیہاتی نے ماسٹر ہوراں غے سامنے اپنی عرضی پیش کی کہ ہوں بے اولاد آں میرا کھوتانا وہ انسان بنڑا چھوڑو، تاکہ اولاد غی کمی وی پوری ہو جے تے میری زندگی غو سہارو وی، ماسٹر ہوراں نا دل ہی دل مانھ دیہاتی غی حماقت و رہاسو وی آ یو مگر اٹھاں نے فوراً عرضی قبول کر لی۔ دیہاتی ماسٹر صاحب نا اپنا ڈیرہ ور لے گیو اپنی استطاعت غے مطابق خدمت کرن توں بعد کھوتو ماسٹر ہوراں غے حوالے کر چھوڑیو۔ دیہاتی غا چکھن و ماسٹر ہوراں نے دسیو کے اک مہینو کم از کم لگ جے غو اس نا انسان پڑاتاں۔ دیہاتی نے سوچیو انسان بنڑ جاتو پہاویں سال ہی لگ جے۔ دیہاتی غی بیوی نے ماسٹر ہوراں غو

نچ نے دیہاتی ورتوہین عدالت غوکیس چلانے دیہاتی نا جیل پہنچ
چھوڑیو۔ مورخین لکھیں کہ دیہاتی نے کھوتانا افسر بنڑان تو آپ چار
لفظ پڑھ لیا ہوتا تے وہ جیل غی سلاخاں غے کچھے کدے نہی جے تھو۔

سوچیو کہ نچ بن جان تیں پہلاں اس غی عادت وے تھی نیلا کہاہ نا
پسند کرے تھو اس نے نیلا کہاہ غو تھو مہیا کیونچ نا مخاطب کر غے کہن لگو
ہاں کھا۔ احاطہ عدالت مانھ موجود سپاہیاں نے دیکھتا ہی گرفتار کر ليو۔

☆☆☆☆☆☆☆☆☆☆

دُوجو حصو

شاعری



ممتاز احمد چودھری
راجوری (بکوری) جموں و کشمیر

نظم۔ "صدقے"

صدقے ان لمحاں تیں، جن مانھ میل اکھاں گوہویو۔
صدقے ان گھڑیاں تیں، جد دلاں نے اوکھت سیا پاتنگی
تک گے، نیزہ ٹپ گے، پینڈا کچھ گے، نفرت گاڈ ڈاراں
وچوں تیل و سلیں جان چھڑا گے پیارگی جو مانھ ڈیرو
لا یو۔

ہم دوہاں نے ساتھ بنا یو۔
صدقے اس تہرتی تیں۔
جیوں پیارگی خوشبو آئی۔

تیرا دل مانھ ہوں بسیوتے، میرا دل مانھ تو آئی۔ تیرا غم
ہیں ہر اکھاں پر۔

تیرا ہجرتیں جان کمائی۔ تیرا اصل گاپل تیں صدقے۔
او میرا دور گیا چناں! تیری ہر اک گل تیں صدقے۔

غزل

کسے گی دوڑ چن توڑی، کسے گی مشتری تک اے
ترا عاشق نا بس مطلب تری ہی نغسگی تک اے
کلکھی رات کالی گو اندھیرو ہے سویرا تک
غماں گی دھے صدی بھانویں، خوشی گی اک گھڑی تک اے
سفر گو آخری پینڈو، تیں جانو ایلکاں کچھ گے
کہ ہر اک ساتھ دنیا گو، نزع گی کھلبلی تک اے
ہووے شروعات خوشیاں سنگ، غماں سنگ خاتمو اس گو
سفر یوہ عشق آلو رنجی تیں بے دل تک اے
مرا ہوٹھاں گی یاہ پڑی، یہ کھلا بال اکھ سجیں
یاہ حالت جو دی مری اے، تری اک حاضری تک اے
تو ان قصیاں مانھ ہے شامل، جیہڑا لفظاں تیں اولے ہیں
مدے یاہ سوچتو وھے بس، تو میری شاعری تک اے
جدلیاں گا یہ چھینڈا دکھ گے تو کیوں گیو کہاں
ترا دل گی بلی ممتاز، گا دل گی بلی تک اے

غزل

خیر سنگ رہ چھت وہ سوہنو چن تے تارا پابجا
 ریں خدایا بارشاں مانھ کچا ٹھارا پابجا
 خوش خشاں اس شہر نا تو اپنی اکھیں دیکھ لے
 درد تیرا ہوں ہی پوٹوں لوک سارا پابجا
 نیل ٹھا کاں مانھ پھرے یا ماہلیاں ور پھل کھلیں
 ہر طرح گا موسماں ما غم یہ مھارا پابجا
 جن گا سرور باپ ماں گو چھامبلو رہ چر توڑی
 باغ ان کو رہ سلامت ریں نظارا پابجا
 صنفِ نازک سنگ نبھانو کم یرا سوکھو تے نی
 تال مقطع تک تو صارف، حرف سارا پابجا



صدام صارف

غزل

میں ککھا کا خریدار ڈھٹا
 ہیرا رلتا بچ بزار ڈٹھا
 وے بوٹا نیواں دسیا ہیں
 جہڑا آج تک میں پھل دار ڈٹھا
 وقت اوکھے کم نہیں آتو کوئے
 میں نستا ناطے دار ڈٹھا
 ہوں پلکھیے ہتھ تے مار بیٹھی
 میں سچی بیٹھ انگار ڈٹھا
 ات منافقاں کی کے گل خانم
 میں اک نیں کئی ہزار ڈٹھا



زاهدہ خانم

شان امام حسینؑ

نانا گو دیں بچایو سید حسین نے
 سجدہ ما سر کٹایو سید حسین نے
 بہتر نفوسِ قدسی قربان ہو گیا ہیں
 کربل ما سب لٹایو سید حسین نے
 اک تیر سنسنا تو گردن توں پار ہو گئے
 معصوم تھو وہ چایو سید حسین نے
 شہید کر گے سب کچھ گنوا یو یزید یو
 شہید ہو گے پایو سید حسین نے
 ظالم گی اک نہ منی شہادت قبول کر لی
 مقدس لہو بہایو سید حسین نے
 مشہور قول ہو الکوئی لا یوفی
 نواز عہد نبھایو سید حسین نے



حقیق نواز احمد عباس پور

نظم۔ قدرت کا نظارا

کچھ سمندر ما رہیں زندہ کجھاں کی جان کڈ دسے
 کچھ پل پل کے مچھ بنیا کجھاں کا کڈ کے ہڈ دسے
 کچھ مالک آبی خشکی کا کچھ ہوویں مہاجر وی
 کجھاں کولے ہووے ٹہاکو کجھاں نا دے کے ہڈ دسے
 حاکم جت بناوے وہ گداگر وی بنا چھوڑے
 ہوا ما وہ اڈا کے فر زمیں ور وہ مڈ دسے
 کجھاں نا دے کے ٹہاری اک کروڑاں ما کھیڈا چھوڑے
 کجھاں نا دے کے دولت فر زمیں کے بچ گڈ چھوڑے
 جنگل ما کچھ ڈریں فانی کچھ دے بادشاہ بھی ہیں
 ڈرے تھو شیر ڈبن تیں تے مگر موجی وہ ڈڈ دسے



مشاق احمد فانی

اسی حرفی

طعنہ سن سن جگ کا جان سکی ہن جین کو رہیو ارمان کوئے نی
گلاں بولیاں نے کیو حال پہیڑو دکھ درد ایں شان گمان کوئے نی

کھان لان اج خواب خیال ہو یو خوشی سکھ کو نام نشان کوئے نی
ایسی پھسی اے جان مصیبتاں ما کسے گل کو ہور تہیان کوئے نی

کہڑے دیس تیں خوشی خرید آنوں ایسی جگ ما دستی دکان کوئے نی
دکھاں درداں مانہہ جہڑو شریک ہوے ایسو جگ ما دستو انسان کوئے نی

دنیا مطلب کی سب چھوٹھا مشکل کہڑی ما جان پچھان کوئے نی
دنیا داری کو گرم بازار حسن ملیو جگ ما نرم زبان کوئے نی



چوہدری حسن دین حسن

اظہار تشکر

الحمد للہ گوجری ادب اشاعت کا اوکھام حلاں ناطے کر کے تھارے کو لے پُچھ گیو ہے۔ گوجری ادب نال تمنیں جیہڑو قلمی تعاون کیو ہے، جس خلوص، محبت تے چاہت نال اس رسالہ نال ات توڑی پُچھائیو، اس وراپناں قلمکاراں کو جتنو وی شکر یو ادا کراں کم ہے۔ جھان کامضامین تے شاعری اس رسالہ ماشائع نیں ہو سکیا وے اگلا شمارہ واسطے محفوظ ہیں، آن آلا شمارہ ما پہلو نمبر انھاں کو ہی وے گو انشاء اللہ۔

ہم مشکور تے ممنون ہاں جناب سردار گوجر قوم سینٹر چوہدری محمد جعفر اقبال ہوراں کا جھان کی سرپرستی ماہناں یوہ بیڑو چان کو حوصلو ملیو۔ ممنون آں ادارہ گوجرانٹرنیشنل سیکرٹریٹ کا جس کے زیر اہتمام ماہنامہ گوجری ادب کی اشاعت ممکن ہوئی۔ اس شمارہ ما محترم جناب مولانا قاری محمد نذیر نعیمی (مقابلہ حسن قرات ما عالمی ایوارڈ یافتہ)، محترمہ شازیہ چوہدری، محترمہ شازیہ ممتاز، محترم فرید راز، محترم ڈاکٹر نزاکت حسین، محترم منظور الحق کلائیوی، محترم عاصم الحسن، محترم ممتاز چوہدری، محترم صدام صارف، محترمہ زاہدہ خانم، محترم ہفتوا از احمد، محترم حسن دین حسن تے مشتاق احمد فانی ہوراں کو خصوصی شکر یو جھان کی خوبصورت تے معیاری تحریراں (مضامین، شاعری، کہانی، افسانہ، سی حرفی) نے گوجری ادب ناچان چان کر چھوڑیو۔ ہمنال امید ہے جے تھارو یوہ قلمی تعاون جاری رہے گوتے تھاری صلاح باڑی نال ہم گوجری ادب ناہر مینے شائع کرتاراں گا انشاء اللہ۔

محمد رفیق شاہد